

四部叢刊

陳眉公先生訂正升龍集

Z121/070:1(1)

江南大学图书馆



91153735

四部叢刊初編集部

無錫教育學院
圖書館藏

丹
淵
集

二

卷十九至卷四十 拾遺二卷 附錄一卷
附石室先生年譜一卷

據商務印書館一九二六年版重印

四部叢刊初編（一四一—一四二）

陳眉公先生訂正丹淵集

（二冊）宋文同撰

上海書店印行

上海福州路四二四號

上海影印廠印刷

1989年3月

陳眉公先生訂正丹淵集卷十九

宋

蜀

文

同與可

撰

明

吳

毛

晉子晉

蜀

李應魁

務滋

同叅

吳

吳一標

建先

畫厨雜詠

宋復古度支晚川晴雪

霽色變雲林寒光混煙水遙山定何處渺漭纔
可指

早秋山水硯屏

晚靄隔遠岫秋容入平林方素僅盈尺品谷能
許深

冠君玉郎中大螭

螭性寂難圖生意在螯蛭伊人得之妙郭索不
能已

小螭

骨甲與支節解絡充精研手足雖爾多能使如

一錢

黃筌鵲雛

短羽已褫褫弱脰方劣爰母也向何處開口猶
仰食

滕昌祐芙蓉

雙幹發寒葩一枿立紋羽欲品精妙人君當二
三數

毛老闢牛

牛牛爾何爭於此輒闢怒長鞭開兒童大炬走
翁姬蒼樓八九子駭立各四顧何時解角歸茅

舍江村暮

鄧隱老木寒牛

蒼崖稜層草芊綿巨木半死生枯蜚羸牛日晚
已噍草稚子天寒猶打錢

許道寧寒林

許生雖學李營丘墨路縱橫多自出交柯揮霍
裴旻劒亂蔓淋漓張曉筆

易元吉抱櫟猱

老櫟抱擁腫金猱立鬚髯當年隴山道似此見

危層

引子嶂

蒼嶂引黃鸞雙耳誰驚立高原想新霽町疇見
行迹

崔白敗荷折葦寒鷺

疎葦雨中老亂荷霜外凋多情惟白鳥常此伴
蕭條

孫太古辟支迦佛

調御出火起正念薩埵捧香生信心二士之意

在筆外彼太古者何情深

許中正捕龍雷

彼龍胡爲被天譴不肯爲天行雨澤天敕雷公
恣搜索龍藏何所忽爾獲提之滿空若曳帛電
風電火相卷射雷張兩翅但拍拍首尾挽之足
雙磔龍力與雷固不敵雷轉威怒龍褫魄須臾
定見肝胃拆萬力千氣凡幾畫斯人斯品入神
格

范寬雪中孤峯

大雪灑天表孤峯入雲端何人向漁艇擁褐對
巔岼

晚秋煙波

直於一丈素寫盡千里景雲山杳杳已成秋煙
水漻漻方入暝君應無心得此畫我豈有言能
爾詠

春山

岡原草木秀溪谷雲霞媚君筆誰所傳獨解吐
和氣

秋山

孤峰露蒼骨疎木聳堅幹高堂挂虛壁爽氣來不斷

梁信羯鼓小圖

高梧間垂楊玉宇極清邃三郎當殿坐左右擁
佳麗攏毬近香案蹲獸吐碧穗寶几承畫控續
紛交綵袂花奴卷雙袖俛立前奏技君王顧之
咲軒廡動和氣誰謂一尺素寫遍天上意聽者
定何如觀之猶解穢

明皇嘗言花奴
羯鼓可解琴穢

蒲生鍾馗

寒風酸號月慘苦梟飛狐鳴滿墟墓叢棘亂疆
翳野霧古社禿剝倒枯樹下有~~三~~三鬼相嘯聚
初行誰家作~~疰~~忤痛熱腫痒快嘔吐塞噎咽喉
脹臍肚呼巫召覲使呪翁驚嫗忙設賽具茅
盤草舡置五路飯盂炙串狼籍布相共收歛各
執去方此危坐歎且哺忽爾相視生畏怖有神
傑然駕巨牯前訶後擁役二豎此神噉鬼充旦
暮其腹尚餒色躁怒鬼遙見之悉失措竄匿不

暇相告諭酒傾肉落雜穢汗魄魄飛蕩身偃仆
一入木底只四據一尚把盞愕呂顧一自隱蔽
捩眦覷神用氣攝縛束固前死入吻無十步計
之嚼嚙或味飫蒲生胡爲適爾遇盡之蒲卷無
一誤筆墨醜怪實可懼持以贈余子何故揺手
不取一錢賂他日乞詩者尤屢試爲言之寫其
故

折楊柳

垂楊百尺臨池水風定煙濃盤不起欲折長條

寄遠行想到君邊已憔悴

丹淵集卷十九終

十洲集卷十六終

告家行狀陸岳墓口訓

陳眉公先生訂正丹淵集卷二十

宋 蜀文 同與可撰

明 吳毛 晉子晉

蜀 李應魁 務滋同叅

吳 吳一標 建先

挽詩

仁宗皇帝挽詩十首

并狀

同前在草土伏聞

大行皇帝奄棄天下號慕摧咽無以

勝處竊念同本遠方巖野之人偶用
詞業以干仕進

大行皇帝親考其藝賜之科第尋得
召試擢真館閣憐其親老又與便地
俾得榮祿以給供養不幸前歲遽罹
家禍解官去職持服鄉里居常自謂
同也何人草茅之姿螻蟻之命叨被
恩澤如此深厚但恨未有死所不能
上報萬一昨者大諱之日以故不得